

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0058563 24
Zenica 19.06.2025. godine

OPŠTINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

O P T U Ž N I C U

Protiv:

1. **G. D.**, neosuđivan,
2. **B. B.**, neosuđivan,

Što su,

1. Dana 28.04.2024. godine oko 00:30 sati ispred UO „...“, na području opštine Tešanj, u kojem restoranu je bilo prisutno više osoba, G. D. nasiljem prema drugom ugrozio građanski mir, na način da je, bez ikakvog razloga i povoda zadao udarac šakom u predjelu glave M. V. od kojeg udarca je V. pao na pod, nakon čega je V. ustao da bi ga potom ponovo D. udario šakom u glavu, od kojeg udarca je V. pao na pod, uslijed čega je V. zadobio lake tjelesne povrede u vidu nagnječenja-uboja glave sa oguljotinom kože u predjelu potiljka, nakon čega je V. prišla P. V. kako bi mu pomogla, da bi potom D. ponovo prišao V. i V. u namjeri da ih udari, u čemu ga je pokušao spriječiti B. B. na način da je stao između D. na jednoj strani i V. i V. na drugoj, ali i u tome nije uspio, te je D. zadao jedan udarac šakom V. u lijevu stranu lica ispod oka, uslijed čega je zadobila lake tjelesne povrede u vidu nagnječenja-uboja glave u predjelu nosa, nakon čega se D. okreće prema M. M. koji je prilazio V. i V., te mu zadaje udarac šakom u predjelu usta, uslijed kojeg udarca je M. pao na pod i zadobio lake tjelesne povrede u vidu nagnječenja-uboja glave u predjelu lica, svjestan da takvim postupanjem prema V., V. i M. narušava građanski mir i da im može nanijeti lake tjelesne povrede, a što je i htio, nakon čega B. prilazi M. i zadaje mu udarac nogom u predjelu potkoljenice, uslijed čega je M. zadobio lake tjelesne povrede u vidu preloma dijafize srednjeg dijela lisne kosti desne potkoljenice, da bi potom B. zadao jedan udarac Č. A. u predjelu lica, od kojeg je

pala na pod, uslijed čega je zadobila lake tjelesne povrede u vidu nagnječenja-uboja glave u predjelu lica, te slabinskog dijela leđa, da bi potom A. i njen momak K. R., M. uveli u vozilo marke „...“ reg. Oznaka ..., nakon čega je vozilu prišao B., te je isto ošteti na način da je po vozilu udarao rukama i nogama i na taj način napravio oštećenje na vozilu u vidu ogrebotina i udubljenja na vratima, te udubljenja na krovu, svjestan da takvim postupanjem prema M. i A. narušava građanski mir i da im može nanijeti lake tjelesne povrede, te oštetiti tuđu stvar, što je i htio,

2. Dana 28.04.2024. godine oko 00:45 sati ispred UO „...“, na području opštine Tešanj, napao službenu osobu u vršenju poslova sigurnosti-polijskog službenika PS Tešanj P. J. koji je bio na dužnosti i koji je na lice mjesta pristupio radi poduzimanja službenih radnji zbog događaja opisanih pod tačkom 1., na način da je odgurnuo i udario zatvorenom šakom u predjelu prsa polijskog službenika P. J., uslijed čega je potrgao službenu polijsku značku, te nanio lake tjelesne povrede u vidu nagnječenja-uboja u predjelu desne strane grudnog koša, svjestan da na ovaj način napada službenu osobu u vršenju poslova sigurnosti-polijskog službenika i da službena osoba može biti lako tjelesno ozlijeđena, a što je i htio,

Čime su: G. D. i B. B. pod tačkom 1. zajedno počinili krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH u vezi sa članom 31. KZ F BiH, B. B. sam krivično djelo Oštećenje tuđe stvari iz člana 293. stav 1. KZ F BiH, B. B. sam pod tačkom 2. krivično djelo Napad na službenu osobu u vršenju poslova sigurnosti iz člana 359. stav 2. u vezi sa stavom 1. KZ F BiH, a sve u vezi sa članom 54. KZ F BiH.